

Isnin

31 Julai 2017



**MALAYSIA**

**MAJLIS MENGANGKAT SUMPAH  
AHLI DEWAN NEGARA**

**PARLIMEN KETIGA BELAS  
PENGKAL KELIMA  
MESYUARAT PERTAMA**

**MALAYSIA  
DEWAN NEGARA  
MAJLIS MENGANGKAT SUMPAH  
PARLIMEN KETIGA BELAS  
PENGKAL KELIMA  
MESYUARAT KEDUA  
Isnin, 31 Julai 2017  
Mesyuarat dimulakan pada pukul 10.00 pagi  
DOA**

*[Tuan Yang di-Pertua **mempengerusikan Mesyuarat**]*

---

**MENGANGKAT SUMPAH SEBAGAI AHLI DEWAN NEGARA**

Ahli Yang Berhormat yang tersebut di bawah ini telah mengangkat sumpah:

**LANTIKAN BARU**

1. Yang Berhormat Senator Tuan Haji Muhamad bin Mustafa

*[Upacara Mengangkat Sumpah Tamat]*

**PEMASYHURAN TUAN YANG DI-PERTUA**

**MENGALU-ALUKAN PELANTIKAN AHLI DEWAN NEGARA**

**Tuan Yang di-Pertua:** Ahli-ahli Yang Berhormat, salam sejahtera dan salam negaraku Malaysia.

Saya mengucapkan setinggi-tinggi tahniah dan mengalu-alukan lantikan baru Yang Berhormat Tuan Haji Muhamad bin Mustafa oleh Dewan Undangan Negeri Kelantan sebagai Ahli Dewan Negara...

*[Tepuk]*

Pelantikan Ahli Yang Berhormat merupakan satu pengiktirafan kepada Yang Berhormat untuk memberi khidmat bakti dan sumbangan kepada negara dan masyarakat.

Ahli Yang Berhormat di harap akan menyumbang ke arah mempertingkatkan mutu perdebatan di Dewan yang mulia ini.

Saya yakin Yang Berhormat akan patuh kepada ikrar taat setia Perlembagaan Malaysia, peraturan-peraturan mesyuarat serta prinsip-prinsip universal dalam piagam negara, keluhuran perlembagaan, kedaulatan undang-undang serta keperibadian mulia yang menjiwai demokrasi berparlimen.

Parlimen Malaysia merupakan sebuah institusi perundangan yang unggul, yang disanjung oleh masyarakat. Yang Berhormat perlu mempertahankan martabat institusi ini dan perlu mengambil iktibar dan pedoman untuk mengukuhkan nama Parlimen Malaysia, malah dijadikan satu penanda aras di persada antarabangsa.

Semasa Majlis Angkat Sumpah ini berlangsung, Dewan Rakyat sedang dalam persidangan. Isu-isu yang diperdebatkan akan dibawa untuk perhatian Dewan Negara. Oleh yang demikian, Yang Berhormat perlu sentiasa mendalami dan memperhalus isu-isu yang dilontarkan demi kesejahteraan negara dan bangsa. Nilai-nilai sejagat adalah amat penting untuk memahami keperluan masyarakat di samping mengikut perlembagaan dan peredaran masa.

Saya amat yakin, Yang Berhormat adalah pemimpin yang berkaliber tinggi. Selamat maju jaya dalam mencurahkan jasa dan khidmat bakti ke atas masyarakat.

Dengan kata-kata ini maka selesailah Majlis Mengangkat Sumpah pada hari ini.

***[Dewan ditangguhkan pada pukul 10.10 pagi]***